

古詩源

卷四

齊詩
梁詩
陳詩
北魏附
北周附
隋詩

古詩源卷十二

張洲沈德潛確士選

齊詩

謝

朧

名暉靈心秀口每誦名句淵然冷然覺筆墨之中筆墨之外別有一段深情妙理○康樂每振拙名暉多清俊

然詩品終在康樂下能清不能厚也

江上曲

易陽春草出。踟躕日已暮。蓮葉尚田田。淇水不可渡。願子淹桂舟。時同千里路。千里既相許。桂舟復容與。江上可采菱。清歌共南楚。

同謝諮議詠銅雀臺

總帷飄井幹。樽酒若平生。鬱鬱西陵樹。詎聞鼓吹聲。芳襟染淚迹。嬋娟空復情。玉座猶寂寞。況乃妾身輕。
笑魏武也而托之於樹何等令人立言之妙

玉階怨

夕殿下珠簾。流螢飛復息。長夜縫羅衣。思君此何

極。
竟是唐人絕句在唐人中爲最上者

金谷聚

渠碗送佳人。玉杯邀上客。車馬一東西。別後思今

夕。
別離情事以澹澹語出之其情自深蘇李詩亦不作感歎聲也

入朝曲

隋王鼓吹曲

十首之一

江南佳麗地。金陵帝王州。逶迤帶綠水。迢遞起朱樓。飛甍夾馳道。垂楊蔭御溝。凝笳翼高蓋。疊鼓送華輶。獻納雲臺表。功名良可收。

同王主簿有所思

佳期期未歸。望望下鳴機。徘徊東陌上。月出行人稀。

稀。

即景含情
怨在言外

京路夜發

自丹陽之宣城郡

擾擾整夜裝。蕭蕭戒徂雨。曉星正寥落。晨光復瀼瀼。猶沾餘露團。稍見朝霞上。故鄉邈已復。山川修且廣。文奏方盈前。懷人去心賞。敕躬每踟躕。瞻恩

惟震蕩行矣倦路長。無由稅歸鞅。

和徐都曹出新亭渚

徐勉有味旦
出新亭渚詩

宛洛佳遨遊。春色滿皇州。結軫青郊路。迴瞰蒼江
流。日華川上動。風光草際浮。桃李成蹊徑。桑榆蔭
道周。東都已倣載。言歸望綠疇。

遊敬亭山

茲山亘百里。合沓與雲齊。隱淪既已託。靈異居然
棲。上千蔽白日。下屬帶迴谿。交藤荒且蔓。樛枝聳
復低。獨鶴方朝唳。饑鶩此夜啼。淒雲已漫漫。夕雨
亦淒淒。我行雖紆組。兼得尋幽蹊。緣源殊未極。歸

徑窅如迷。要欲追奇趣。即此凌丹梯。皇恩竟已矣。
茲理庶無睽。

遊東田

戚戚苦無悰。攜手共行樂。尋雲陟累榭。隨山望菌閣。
遠樹曖阡阡。生煙紛漠漠。魚戲新荷動。鳥散餘花落。
不對芳春酒。還望青山郭。

暫使下都夜。發新林。至京邑。贈西府同僚。
大江流日夜。客心悲未央。徒念關山近。終知返路長。
秋河曙耿耿。寒渚夜蒼蒼。引領見京室。宮雉正相望。
金波麗鳩鵲。玉繩低建章。驅車鼎門外。思見

昭邱陽。馳暉不可接。何況隔兩鄉。風雲有鳥道。江漢限無梁。常恐鷹隼擊。時菊委嚴霜。寄言尉羅者。寥廓已高翔。成王定鼎於郊。鄆其南門曰鼎門。○一起滔滔莽莽其來無端。望京一段眷戀不已。○秋河六語應關。○近驅車六語應返路長。時朧被讒而去。故有末二語言已翔乎寥廓。羅者無如何也用長卿難父老篇語意。

酬王晉安

稍稍枝蚤勁。塗塗露晚稀。南中榮橘柚。寧知鴻雁飛。拂霧朝青閣。日旰坐彤闈。悵望一途阻。參差百慮依。春草秋更綠。公子未西歸。誰能久京洛。緇塵染素衣。楚辭曰白露紛以塗塗謂厚也。○鴻雁南樓衝陽不入晉安之郡故曰寧知晉安即人之泉州。

郡內高齋閑望答呂法曹

郡為宣城郡

結構何迢遞。曠望極高深。窗中列遠岫。庭際俯喬
林。日出衆鳥散。山暝孤猿吟。已有池上酌。復此風
中琴。非君美無度。孰爲勞寸心。惠而能好我。問以
瑤華音。若遺金門步。見就玉山岑。

新亭渚別范零陵雲

洞庭張樂地。瀟湘帝子遊。雲去蒼梧野。水還江漢
流。停驂我悵望。輟棹子夷猶。廣平聽方籍。茂陵將
見求。心事俱已矣。江上徒離憂。

見也郭表為
廣平太守

之宣城郡出新林浦向板橋

江路西南永。歸流東北驚。天際識歸舟。雲中辨江樹。旅思倦搖搖。孤遊昔已屢。既歡懷祿情。復協滄洲趣。囂塵自茲隔。賞心於此遇。雖無彥豹姿。終隱南山霧。

在郡臥病呈沈尚書

尚書約也

淮陽股肱守。高臥猶在茲。况復南山曲。何異幽棲時。連陰盛農節。簞笠聚東菑。高閣常書掩。荒階少諍辭。珍簟清夏室。輕扇動涼颼。嘉飭聊可薦。淶蟻方獨持。夏李沉朱實。秋藕折輕絲。良辰竟何許。夙昔夢佳期。坐嘯徒可積。爲邦歲已基。絃歌終莫取。

撫几令自媿

南陽太守弘農成瑨任功曹岑暉時人語曰南陽太守岑公孝弘農成瑨但坐嘯

晚登三山還望京邑

灞。涘。望。長。安。河。陽。視。京。縣。白。日。麗。飛。甍。參。差。皆。可。
見。餘。霞。散。成。綺。澄。江。靜。如。練。喧。鳥。覆。春。洲。雜。英。滿。
芳。甸。去。矣。方。滯。淫。懷。哉。罷。歡。宴。佳。期。悵。何。許。淚。下。
如。流。霰。有。情。知。望。鄉。誰。能。鬢。不。變。

直中書省

紫。殿。肅。陰。陰。彤。庭。赫。宏。敞。風。動。萬。年。枝。日。華。承。露。
掌。玲。瓏。結。綺。錢。深。沈。映。朱。網。紅。藥。當。階。翻。蒼。苔。依。
砌。上。茲。言。翔。鳳。池。鳴。珮。多。清。響。信。美。非。吾。室。中。園。

思偃仰。朋情以鬱陶。春物方駘蕩。安得凌風翰。聊

恣山泉賞。東宮舊事曰窗有四面結綺連錢

宣城郡內登望

借問下車日。匪直望舒圓。寒城一以眺。平楚正蒼

然。山積陵陽阻。溪流春穀泉。威紆距遙甸。巉巖帶

遠天。切切陰風暮。桑柘起寒煙。悵望心已極。惆悵

魂屢遷。結髮倦為旅。平生蚤事邊。誰規鼎食盛。寧

要狐白鮮。方弃汝南諾。言稅遼東田。寒城一眺格高朱子亦賞之續漢書曰

汝南太守宗資任用范滂時人謠曰汝南太守范孟博南陽宗資主畫諾魏志曰管寧聞公孫度令行海外遂至遼東

高齋視事

餘雪映青山。寒霧開白日。曖曖江村見。離離海樹出。
披衣就清盥。憑軒方秉筆。列俎歸單味。連駕止容膝。
空爲大國憂。紛詭諒非一。安得掃蓬逕。鎖吾愁與疾。

起四句寫雪後入神

落日悵望

昧旦多紛喧。日晏未遑舍。落日餘清陰。高枕東窗下。
寒槐漸如束。秋菊行當把。借問此何時。涼風懷朔馬。
已傷暮歸客。復思離居者。情嗜幸非多。案牘偏爲寡。
既乏瑯琊政。方憩洛陽社。

移病還園示親屬

古詩卷十二
疲策倦入世。斂性就幽蓬。停琴佇涼月。滅燭聽歸鴻。
涼兼乘暮析。秋華臨夜空。葉低知露密。崖斷識
雲重。折荷葺寒袂。開鏡盼衰容。海暮騰清氣。河關
秘棲冲。煙衡時未歇。芝蘭去相從。

送江兵曹檀主簿朱孝廉還上國

方舟泛春渚。攜手趨上京。安知慕歸客。詎憶山中
情。香風蕊上發。好鳥葉間鳴。揮袂送君已。獨此夜
琴聲。

秋夜

秋夜促織鳴。南鄰擣衣急。思君隔九重。夜夜空佇

立北牕輕幔垂。西戶月光入。何知白露下。坐視階前濕。誰能長分居。秋盡冬復及。

和何議曹郊遊

春心澹容與。挾弋步中林。朝光映紅萼。微風吹好音。江陲得清賞。山際果幽尋。未嘗遠離別。知此愜歸心。流沂終靡已。嗟行方至今。

和王著作融八公山

謝公敗
苻堅處

二別阻漢坻。雙嶠望河澳。茲嶺復巒岈。分區奠淮服。東限瑯瑯臺。西距孟諸陸。阡眠起雜樹。檀欒蔭修竹。日隱澗凝空。雲聚岫如復。出沒眺樓雉。遠近

送春目。戎州昔亂華。素景淪伊穀。貼危賴宗衮。微
 管寄明牧。長蛇固能剪。奔鯨自此曝。道峻芳塵流。
 業遙年運倏。平生仰令圖。吁嗟命不淑。浩蕩別親
 知。連翩戒征軸。再遠館娃宮。兩去河陽谷。風煙四
 時犯。霜雨朝夜沐。春秀良已彫。秋場庶能築。戎州亂
華謂符

堅素景謂晉以金德王也○宗衮謂謝安明牧謂謝安微管即微管仲
 吾其被髮左衽意古人引用多割截者○長蛇奔鯨喻符堅符融也平
 生仰令圖以下皆臧自謂○小謝詩俱極流利
 而此篇及和伏武昌作典重質實俱宗仰康樂

和伏武昌登孫權故城伏曼容為
武昌太守

炎靈遺劒璽。當塗駭龍戰。聖期缺中壤。霸功興寓
 縣。鵲起登吳山。鳳翔凌楚甸。衿帶窮巖險。帷帟音亦

盡謀選。北拒溺駮鑣。西龕收組練。江海既無波。俯仰流英盼。裘冕類禋郊。卜揆崇離殿。釣臺臨講閱。樊山開廣讌。文物共歲蕤。聲明且葱蒨。三光厭分景。書軌欲同薦。參差世紀忽。寂寞市朝變。舞館識餘基。歌梁想遺嘒。故林衰木平。荒池秋草徧。雄圖悵若茲。茂宰深遐睠。幽客滯江臯。從賞乖纓弁。清扈阻獻酬。良書限間見。幸藉芳音多。承風采餘綯。於役倘有期。鄂渚同遊衍。

炎靈謂漢當塗謂魏言當道而高
大首魏也○帷帝盡謀選言帷帳

共事者皆善謀而諸侯之選也○北拒謂禦曹操西龕謂敗西蜀龕與
勘同○周禮曰王祀昊天上帝則服大裘而冕祀五帝亦如之卜揆即
卜云其吉揆之以日言作室也○三國名臣頌曰三光參分宇宙暫隔
此言厭分景者幾欲混一天下也參差世紀忽以下指亡國後說○茂

字謂伏武昌。幽客自謂。○墨子曰。墨子獻書於惠王。王受而讀之。曰。此良書也。此指武昌原作。○宣城係遙和非共登城者。玩末二句自見。

新治北窗和何從事

國小暇日多。民淳紛務屏。闢牖期清曠。開簾候風景。
泱泱日照溪。團團雲去嶺。峒嶢蘭橈峻。駢闐石路整。
池北樹如浮。竹外山猶影。自來彌弦望。及君臨箕穎。
清文蔚且詠。微言超已領。不見城壕側。思君朝夕頃。
迴舟方在辰。何以慰延頸。

和江丞北戍瑯琊城

春城麗白日。阿閣跨層樓。蒼江忽渺渺。驅馬復悠悠。
京洛多塵霧。淮濟未安流。豈不思撫劍。惜哉無。